

ხელშეკრულება N 1
სახელმწიფო შესყიდვების შესახებ

ქ. რუსთავი

18 სექტემბერი 2018 წელი

წინამდებარე ხელშეკრულება დაიდო ერთი მხრივ სსიპ „პენიტენციური და პრობაციის სისტემის მოსამსახურეთა მომზადების ცენტრი“, წარმოდგენილი მისი დირექტორის ავთანდილ მიქანაძის სახით (შემდგომში „შემსყიდველი“) და მეორეს მხრივ შპს „ლამპარი 2008“ წარმოდგენილი მისი დირექტორის თამილა მელითაურის სახით (შემდგომში „მიმწოდებელი“) შორის და მიღწეულ იქნა ურთიერთშეთანხმება შემდეგზე: იმის გათვალისწინებით, რომ შემსყიდველმა ჩაატარა ელექტრონული ტენდერი (SPA180007221) სასადილოებისა და საზოგადოებრივი კვების საწარმოების მომსახურების შესყიდვაზე, რომელშიც გამარჯვებულად მიჩნეულ იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება გაუწიოს შემსყიდველს წინამდებარე ხელშეკრულებით განსაზღვრული მომსახურება თანხაზე: **3220.00 (სამიათას ორასოცი ლარი და 00 თეთრი)** ლარი (შემდგომში „ხელშეკრულების ღირებულება“).

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - შემსყიდველ ორგანიზაციასა და ელექტრონულ ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულების პირობებით განსაზღვრული ვალდებულებების სრული და ზედმიწევნით შესრულებისათვის.
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას.
- 1.4 „მიმწოდებელი“ ნიშნავს პირს, რომელმაც მოიპოვა გამარჯვება ელექტრონულ ტენდერში და უზრუნველყოფს მომსახურების გაწევას სახელმწიფო შესყიდვის შესახებ მოცემული ხელშეკრულების ფარგლებში.
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.
- 1.6 „მომსახურება“ - წინამდებარე ხელშეკრულების მეორე პუნქტით და დანართებით განსაზღვრული ხელშეკრულების საგანი.

2. შესყიდვის ობიექტი და კლასიფიკატორის კოდი

- 2.1 ხელშეკრულების შესყიდვის ობიექტი განისაზღვრება ფასების ცხრილის (დანართი №1) და სატენდერო დოკუმენტაციის, კერძოდ ტექნიკური დავალების (დანართი N2) შესაბამისად, რომელიც შემდგომში თან დაერთვის ხელშეკრულებას და წარმოადგენს მის განუყოფელ ნაწილს.
- 2.2 კლასიფიკატორის კოდი: **55500000; 55520000; 55521200** .

3. ხელშეკრულების შესრულების კონტროლი-ინსპექტირება

3.1 შემსყიდველს ან მის წარმომადგენლებს უფლება აქვთ ხელშეკრულების შესრულების ნებისმიერ ეტაპზე განხორციელოს კონტროლი-ინსპექტირება მიმწოდებლის მიერ ნაკისრი ვალდებულებების შესრულებაზე და განხორციელოს მომსახურების ხარისხის პერიოდული კონტროლი-ინსპექტირება.

3.2 მიმწოდებელი ვალდებულია საკუთარი რესურსებით უზრუნველყოს შემსყიდველი, კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი (თუ ექსპერტიზის დასკვნის შედეგად გამოვლენილი იქნება საკვების არავარგისიანობა მოხმარებისთვის ექსპერტიზის მომსახურების თანხა ანაზღაურებული იქნება მიმწოდებლის მიერ).

3.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

3.4 ამ პუნქტის არც ერთი ქვეპუნქტი არ ათავისუფლებს მიმწოდებელს მოცემული ხელშეკრულებით განსაზღვრული სხვა ვალდებულებებისაგან.

3.5 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს-ინსპექტირებას შემსყიდველის მხრიდან განხორციელებს სსიპ „პენიტენციური და პრობაციის სისტემის მოსამსახურეთა მომზადების ცენტრის“ სერვისების უზრუნველყოფის სპეციალისტი - **ხათუნა ავალიშვილი**.

3.6 კონტროლი-ინსპექტირება გულისხმობს მიმწოდებლის მიერ ხელშეკრულების პირობების შესაბამისად გასაწევი მომსახურების ვადებისა და ხარისხის კონტროლს.

4. მომსახურების გაწევის პირობები და ვადები

4.1 მომსახურების გაწევა უნდა განხორციელდეს სსიპ „პენიტენციური და პრობაციის სისტემის მოსამსახურეთა მომზადების ცენტრში“, მისამართზე: გარდაბნის მუნიციპალიტეტი, რუსთავის გზატკეცილი მე-17 კმ.

4.2 მომსახურების გაწევა განხორციელდება ხელშეკრულების გაფორმებიდან 2018 წლის 20 დეკემბრამდე, ეტაპობრივად მოთხოვნის შესაბამისად. მისაწოდებელი ულუფების შერჩევა (დღეების მიხედვით) და რაოდენობის განსაზღვრა მოხდება შემსყიდველის მიერ (სამუშაო დღეებში და უქმე დღეებში).

4.3 შემსყიდველს არ ეკისრება ვალდებულება ულუფებისა და ყავით შესვენებების სრულად შესყიდვის.

5. შესყიდვის ობიექტის მიღება-ჩაბარების წესი

5.1 შესყიდვის ობიექტის მიღება-ჩაბარება განხორციელდება, შემსყიდველისა და მიმწოდებლის ან მათი უფლებამოსილი წარმომადგენლების მიერ მიღება-ჩაბარების აქტის გაფორმებით.

5.2 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

5.3 შემსყიდველი უფლებამოსილია განაცხადოს უარი დაგვიანებით ან უხარისხოდ (წუნდებულ) გაწეულ მომსახურებაზე. ასეთ შემთხვევაში შემსყიდველი თავისუფლდება გაწეული მომსახურების ღირებულების გადახდის ვალდებულებისაგან.

6. ანგარიშსწორება

6.1 ანგარიშსწორება მოხდება ლარებში.

6.2 გადახდის ფორმა – უნაღდო.

6.3 ანგარიშსწორება განხორციელდება ეტაპობრივად ან/და ერჯერადად, ფაქტიურად გაწეული მომსახურების შესაბამისად, მიღება-ჩაბარების აქტის გაფორმებიდან და საგადასახადო კანონმდებლობით გათვალისწინებული დოკუმენტაციის წარმოდგენიდან 10 (ათი) სამუშაო დღის ვადაში.

6.4 საავანსო ანგარიშსწორება არ გამოიყენება.

6.5 შესყიდვა ხორციელდება გაეროს ბავშვთა ფონდის (UNICEF) 2018 წლის საგრანტო დაფინანსების ფარგლებში.

7. ხელშეკრულების ღირებულება

7.1 შესყიდვის ობიექტის ფასი განისაზღვრება ლარებში.

7.2 შესყიდვის ობიექტის საერთო ღირებულება შეადგენს **3220.00 (სამიათას ორასოცი ლარი და 00 თეთრი) ლარს**.

7.3 ხელშეკრულების ჯამური ღირებულება მოიცავს მომსახურების გაწევასთან დაკავშირებულ ყველა ხარჯს და კანონმდებლობით გათვალისწინებულ გადასახადებს,

7.4 ერთი ულუფის ღირებულება განისაზღვრება **17 (ჩვიდმეტი) ლარით და 00 თეთრით**, ხოლო ერთი ყავით შესვენების ღირებულება განისაზღვრება **3 (სამი) ლარით და 00 თეთრით**.

7.5 ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.

7.6 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

7.7 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

8. ხელშეკრულებაში ცვლილებების შეტანა

8.1 არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

8.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

8.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონისა და წინამდებარე ხელშეკრულების მოთხოვნათა გათვალისწინებით.

8.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9. ხელშეკრულების პირობების შეუსრულებლობა (საჯარიმო სანქციები, ფორმა და ოდენობა)

9.1 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

9.2 მიმწოდებელი პასუხს აგებს მისთვის დაკისრებული ვალდებულებების სათანადო შესრულებისათვის და ვალდებულია აანაზღაუროს მისი ქმედებით დამდგარი ყველა სახის ზიანი.

9.3. ხელშეკრულების პირობების შეუსრულებლობის შემთხვევაში, მიმწოდებელს ეკისრება პირგასამტეხლო ხელშეკრულების **საერთო ღირებულების 5%-ის ოდენობით**.

9.4. ხელშეკრულებით გათვალისწინებული მომსახურების გაწევის ვადების დარღვევის შემთხვევაში მიმწოდებელს დაეკისრება პირგასამტეხლო ყოველ ვადაგადაცილებულ კალენდარულ დღეზე შესასრულებელი ვალდებულების შესაბამისი ღირებულების **0,02% -ის ოდენობით**.

9.5. ხელშეკრულებით აღებული ვალდებულების ნაწილობრივ შესრულების შემთხვევაში ეკისრება პირგასამტეხლო შესასრულებელი ვალდებულების შესაბამისი ღირებულების **5%-ის ოდენობით**.

9.6. გაწეული მომსახურებით მიყენებული ზიანისათვის პასუხისმგებლობა მიყენებულ ზიანზე სრულად ეკისრება მიმწოდებელს.

9.7 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10. ხელშეკრულების შეწყვეტა მისი პირობების შეუსრულებლობის გამო

10.1 მიმწოდებლის მიერ ხელშეკრულების პირობების შეუსრულებლობის შემთხვევაში შემსყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

10.2 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

10.3 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

10.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) საქართველოს კანონმდებლობით გათვალისწინებულ სხვა შემთხვევებში.

10.5 ამ მუხლის მე-4 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

10.6 შემსყიდველი უფლებამოსილია მთლიანად ან ნაწილობრივ ცალმხრივად შეწყვიტოს ხელშეკრულება, თუკი მიმწოდებლის მხრიდან დაირღვევა შესყიდვის ობიექტის მიწოდების ვადები.

11. მხარეთა უფლება-ვალდებულებები

11.1 მიმწოდებელი ვალდებულია:

ა) გაუწიოს შემსყიდველს ხელშეკრულებით გათვალისწინებული მომსახურება;

ბ) განიხილოს შემსყიდველის პრეტენზიები და მიაწოდოს მოტივირებული პასუხი ნებისმიერ სადაო საკითხზე.

11.2 შემსყიდველი ვალდებულია:

ა) გადაუხადოს მიმწოდებელს ხელშეკრულების ღირებულება;

ბ) დროულად აცნობოს მიმწოდებელს გაწეულ მომსახურებასთან დაკავშირებული ხარვეზის შესახებ.

12. ფორს-მაჟორი

12.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

12.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

12.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

13. სადაო საკითხების გადაწყვეტა

13.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს სასამართლოს, თუ ხელშეკრულების პირობებში სხვა რამ არ არის გათვალისწინებული.

14. გამოყენებული სამართალი

14.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15. შეტყობინება

15.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

15.2 შეტყობინება შედის ძალაში ადრესატის მიერ მისი მიღების დღეს.

16. გადასახადები და დაბეგვრა

16.1 მიმწოდებელი პასუხს აგებს საქართველოს კანონმდებლობით დადგენილი გადასახადების გადახდაზე.

17. ხელშეკრულების მოქმედების ვადა

17.1 წინამდებარე ხელშეკრულება ძალაშია ხელშეკრულების გაფორმების დღიდან და მოქმედებს 2019 წლის 31 იანვრის ჩათვლით.

18. სხვა პირობები

18.1 ხელშეკრულება შედგენილია ქართულ ენაზე, სამ პირად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

18.2 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.


19. მხარეთა რეკვიზიტები

შემსყიდველი	მიმწოდებელი
სსიპ „პენიტენციური და პროზაიის სისტემის მოსამსახურეთა მომზადების ცენტრი“ მისამართი: გარდაბნის მუნიციპალიტეტი, რუსთავის გზატკეცილის მე-17 კილომეტრი ს/კ 204493262 საბანკო რეკვიზიტები: ბანკის დასახელება - სახელმწიფო ხაზინა; ბანკის კოდი: TRESGE22; ანგარიშის ნომერი: GE24NB0330100200165022  /ავთანდილ მიქანაძე/ დირექტორი	შპს „ლამპარი 2008“ მისამართი: ქ. თბილისი, დიდმის მასივი, III კვ., კორპ. 6ბ ს/კ 202440466 საბანკო რეკვიზიტები: ბანკის დასახელება: სს „საქართველოს ბანკი“ ბანკის კოდი: BAGAGE22 ა/ა GE58BG0000000262765200 /თამილა მელითაური/ დირექტორი 

ფასების ცხრილი

N	მომსახურების დასახელება	რაოდენობა (ულუფა)	ერთეულის ფასი (ლარი)	ჯამი (ლარი)
1	ტექნიკური დავალებით განსაზღვრული ულუფების (ერთ კაცზე განსაზღვრული საკვები) ღირებულება	140	17.00	2380
2	ტექნიკური დავალებით განსაზღვრული ყავით შესვენების ღირებულება	280	3.00	840
3	სულ ჯამი (ლარი)			3220

ხელმოწერა :



ულუფების (ერთ კაცზე განსაზღვრული საკვები) რაოდენობა: 140 (ასორმოცი) ცალი.

ყავა შესვენების (კოფე - ბრეიკი) რაოდენობა: 280 (ორასოთხმოცი) ცალი.

ულუფის სახეობები:

პირველი დღე

1. ქათმის მწვადი ჩხირზე - არანაკლებ 80 გრამი;
2. საქონლის ხორცის სალათი ტარტარით - არანაკლებ 70 გრამი;
3. სენდვიჩი ლორით - არანაკლებ 70 გრამი;
4. ბლინი ბრინჯით და ტარხუნით - არანაკლებ 60 გრამი;
5. ბადრიჯნის ფხალი მჭადის ტარტით - არანაკლებ 80 გრამი;
6. კანაპე შემწვარი ორაგულით - არანაკლებ 70 გრამი;
7. პიცა სოკოთი და ყველით - არანაკლებ 80 გრამი;
8. ფენოვანი ხაჭაპური - არანაკლებ 50 გრამი;
9. სალათა ცეზარი - არანაკლებ 70 გრამი;
10. ქაბაბი ჩხირზე (შერეული საქონელი/ღორი) - არანაკლებ 60 გრამი;
11. ხილის ასორტი - არანაკლებ 80 გრამი;
12. სასმელი წყალი 0.5 ლიტრი;
13. ნატურალური წვენი - არანაკლებ 200 მლ.

მეორე დღე

1. ღორის მწვადი ჩხირზე - არანაკლებ 80 გრამი;
2. ქათმის სალათი ტარტით - არანაკლებ 70 გრამი;
3. სენდვიჩი სალიამით - არანაკლებ 70 გრამი;
4. ბლინი ხორცით - არანაკლებ 60 გრამი;
5. ბოსტნეულის ფხალი მჭადის ტარტით - არანაკლებ 80 გრამი;
6. ქათმის ბურთები - არანაკლებ 60 გრამი;
7. პიცა ლორით და ყველით - არანაკლებ 80 გრამი;
8. სოკოს ღვეზელი - არანაკლებ 50 გრამი;
9. თევზის მწვადი ჩხირზე - არანაკლებ 60 გრამი;
10. სულგუნი ნადუდით - არანაკლებ 50 გრამი;
11. ხილის ასორტი - არანაკლებ 80 გრამი;
12. სასმელი წყალი 0.5 ლიტრი;
13. ნატურალური წვენი - არანაკლებ 200 მლ.

ყავით შესვენების უზრუნველყოფა ერთ მსმენელზე მოიცავს შემდეგს:

ხსნადი ყავა ერთჯერად პაკეტში - 1 ფინჯანი (ყავის სახეობა უნდა შეთანხმდეს შემსყიდველთან);

ჩაის ასორტი ერთჯერად პაკეტებში - 1 ფინჯანი (ჩაის სახეობა უნდა შეთანხმდეს შემსყიდველთან);

მომსახურების მიწოდება ასევე მოიცავს შესაბამისი რაოდენობის დამხმარე პროდუქტებს, როგორცაა: შაქარი, ლიმონი, რძე.

დესერტი:

ნამცხვარი ორი სახეობის - თითო სახეობა არანაკლებ 50 გრამიანი (შემსყიდველთან

შეთანხმებით უნდა ხდებოდეს ნამცხვრების პერიოდული ცვლილება. ასევე შემსყიდველის მოთხოვნის შესაბამისად მიმწოდებელმა უნდა განახორციელოს როგორც სამარხოვ ისე არასამარხოვ ნამცხვრების მოწოდება).

სავალდებულო მოთხოვნები:

- ერთი ტრენინგ დღე მოიცავს მსმენელების ორჯერ ყავა შესვენებით უზრუნველყოფას და შუალედში კვებით უზრუნველყოფას.
- მიმწოდებელი უზრუნველყოფს საკვების მიტანას და მომსახურებას (გაშლას და ალაგებას).
- მიმწოდებელმა სუფრის გაწყობა უნდა განახორციელოს ე.წ. „ფურშეტის“ სტილით, (სუფრის დიზაინთან და გაწყობასთან დაკავშირებული ყველა დეტალი უნდა შეთხზდეს შემსყიდველთან).
- მომსახურება გაწეული უნდა იქნას დროულად, ტრენინგის განმავლობაში გათვალისწინებული შესვენებების დროს, რომლის შესახებაც მიმწოდებელს ეცნობება წინასწარ.
- მიმწოდებელმა უნდა უზრუნველყოს სუფრის ალაგების შემდგომ ნარჩენების ჩალაგება და გატანა.
- მიმწოდებელმა უნდა უზრუნველყოს სუფრაზე შესაბამისი ინვენტარის (არაერთჯერადი დანა-ჩანგალი, ჭიქა, თეფში, საკვების გადასაღები სპეციალური საშუალებები, მაღალი ხარისხის ხელსაწმენდები) დალაგება. ჭურჭელი უნდა იყოს თეთრი, ერთნაირი, დაუზიანებელი, გაპრიალებული, საუკეთესო სანიტარულ მდგომარეობაში. დაუშვებელია გატეხილი, გაბზარული ჭურჭლის ან სხვა მიზეზით არასათანადო ვიზუალურ და ჰიგიენურ მდგომარეობაში მყოფი ჭურჭლის გამოყენება.
- დაუშვებელია საკვების მიწოდება პოლიეთილენის პარკებით და სხვა არასათანადო საშუალებებით.
- ყველა საკვები უნდა იყოს ახლად მომზადებული, წინასწარ შეთანხმებული მენიუს შესაბამისად. შესაბამისი ტემპერატურის და ლამაზად პრეზენტირებული (ე.წ. „ფურშეტის“ სტილში), ყველა საკვების რაოდენობა უნდა შეესაბამებოდეს მონაწილეთა რაოდენობას.
- მიმწოდებელმა მომსახურების გაწევის ადგილზე უნდა უზრუნველყოს შესაბამისი რაოდენობის მომსახურე პერსონალის ყოლა.
- მომსახურების გაწევის სრულ პერიოდში, მიმწოდებლის წარმომადგენლები, რომლებიც გაუწევნენ მომსახურებას უნდა იყვნენ ვიზუალურად მოწესრიგებულები, უნდა ეცვათ მიმწოდებლის შესაბამისი უნიფორმა და ჰქონდეთ საიდენტიფიკაციო ნიშანი (სახელის მითითებით). მიმწოდებლის წარმომადგენლები ასევე უნდა იყვნენ ზრდილობიანები და საჭიროების შემთხვევაში დაემხარონ მომხმარებლებს (ტრენინგის მონაწილეებს) მათთვის სასურველი საკვების შერჩევაში. ასევე დროულად მოახდინონ გამოყენებული ჭურჭლის, საკვების ნარჩენები, ხელსახოცებისა თუ სხვა ნივთების აღება მომსახურების გაწევის ადგილიდან. დაუშვებელია შეუძლოდ მყოფი (როგორცაა ვირუსული ინფექცია, გაციება და სხვა) მიმტანისა თუ სხვა მომსახურების გამწევი პირის ყოფნა მიწოდების ადგილზე.
- ყოველ ტრენინგ დღეზე მიმწოდებელმა უნდა მიაწოდოს ულუფების სახეობებში მითითებული საკვების (ყველა პოზიციიდან თითო ცალი) შემსყიდველს ერთი დამატებითი ულუფის სახით უფასოდ, რომელიც შემსყიდველის უკმაყოფილების შემთხვევაში გაგზავნილი იქნება ექსპერტიზაზე სსიპ - ლევან სამხარაულის სახელობის სასამართლო ექსპერტიზის ეროვნულ ბიუროში (იმ შემთხვევაში თუ ექსპერტიზის დასკვნის შედეგად გამოვლენილი იქნება საკვების არავარგისიანობა მოხმარებისთვის ექსპერტიზის მომსახურების თანხა ანაზღაურებული იქნება მიმწოდებლის მიერ).
- ინფორმაციას მომსახურების მიწოდების ვადების, ჯერადობის და პირობების შესახებ, შემსყიდველი მიაწვდის მიმწოდებელს დამატებით.

- საკვების საგემოვნო თვისებები, კვებითი ღირებულება და ვიზუალური მხარე უნდა შეესაბამებოდეს ამ სფეროში არსებულ სტანდარტებსა და ნორმებს, უნდა იყოს საკვებად ვარგისი და ჯანმრთელობისთვის უვნებელი, რაზეც მიმწოდებელი პასუხს აგებს საქართველოში მოქმედი კანონმდებლობით გათვალისწინებული წესით.
- მიმწოდებელი ვალდებულია უზრუნველყოს მისაწოდებელი საკვების დამზადება ახალი, მაღალხარისხიანი და ჯანსაღი პროდუქტებისგან.
- დაუშვებელია ვადაგასული და საკვებად უვარგისი პროდუქტების მიწოდება.
- მიმწოდებლის მიერ საკვების ტრანსპორტირება უნდა განხორციელდეს ღონისძიების ადგილამდე ჰიგიენური ნორმების დაცვით. დაუშვებელია კერძების ტრანსპორტირება ისეთი საბარგულების მეშვეობით, სადაც განთავსებული იქნება სხვადასხვა ხელსაწყოები, საცხებ/საპოხი საშუალებები, საწვავი და ნებისმიერი სხვა რამ, რაც მიუღებელია საკვებთან ერთად ტრანსპორტირებისათვის.
- ტრენინგზე დამსწრე მსმენელების ყავის შესვენებით ორგანიზებისათვის, მიმწოდებელმა უნდა უზრუნველყოს შესაბამისი ინვენტარის მოწოდება: კერძოდ: არაერთჯერადი კოფი, ყავის და ჩაის ჭიქა, მაღალი ხარისხის სალფეტკები, თევში, საშაქრე, წყლის გამაცხელებელი ელექტრო ჩაიდანა და სხვა.
- ყავის და ჩაის მიწოდება უნდა განხორციელდეს ტრენინგზე დამსწრე მსმენელების შესაბამისი რაოდენობის (მომსახურების მიწოდება ასევე მოიცავს შესაბამისი რაოდენობის დამხმარე პროდუქტებს, როგორიცაა: შაქარი, ლიმონი და სხვა.), უნდა იყოს ხარისხიანი და კონკრეტული სახეობები შეთანხმებული უნდა იყოს შემსყიდველთან.
- მიმწოდებელმა უნდა უზრუნველყოს ყავის შესვენებისათვის სუფრის გაშლა და შემდგომ მისი ალაგება, ნარჩენების ჩალაგება და გატანა.
- მიმწოდებელმა ხელშეკრულებით გათვალისწინებული საკვების მომზადება უნდა განახორციელოს სანიტარულ-ჰიგიენური ნორმების სრული დაცვით. კერძების მომზადება უნდა განახორციელოს კვალიფიციურმა კადრმა, რომელთა ჯამრთელობის მდგომარეობაზე პასუხისმგებელია მიმწოდებელი (აღნიშნული მოთხოვნის დარღვევით მიყენებული ზიანის სრული ანაზღაურება ეკისრება მიმწოდებელს).

შემსყიდველი:



ავთანდილ მიქანაძე

დირექტორი

მიმწოდებელი:



თამილა მელითაური

დირექტორი